



Broj predmeta: 48-000116/23  
Broj akta: 02-1348NH-0003/23  
Datum: 8. 2. 2023. godine  
Mjesto: Brčko

Na osnovu člana 22. Zakona o Vladi Brčko distrikta Bosne i Hercegovine („Službeni glasnik Brčko distrikta BiH”, broj: 22/18 – prečišćeni tekst, 49/18, 8/19, 10/19 i 32/19) i člana 20. stav (1) tačka a) Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH”, broj 25/20 – prečišćeni tekst), šef Odjeljenja za stručne i administrativne poslove, d o n o s i

## **ODLUKU O NAČINU ORGANIZOVANJA FORUMA GRAĐANA S CILJEM UNAPREĐENJA RADA MJESNIH ZAJEDNICA NA PODRUČJU BRČKO DISTRIKTA BOSNE I HERCEGOVINE**

### **DIO PRVI – OSNOVNE ODREDBE**

#### **Član 1.**

##### **(Predmet)**

Odlukom o načinu organizovanja foruma građana s ciljem unapređenja rada mjesnih zajednica na području Brčko distrikta Bosne i Hercegovine (u daljnjem tekstu: Odluka) utvrđuje se način i postupak organizovanja foruma građana (u daljnjem tekstu: forum) kao oblik uključivanja stanovnika mjesnih zajednica na području Brčko distrikta Bosne i Hercegovine (u daljnjem tekstu: mjesna zajednica) u proces donošenja odluka o pitanjima koja se tiču unapređenja kvaliteta života i razvoja lokalne zajednice.

#### **Član 2.**

##### **(Definicija)**

Forum, kao izraz demokratske volje i oblik učešća građana u procesu donošenja odluka organizuje se u cilju uključivanja većeg broja stanovnika mjesne zajednice u rješavanje zajedničkih problema i usaglašavanja mišljenja i potreba radi ostvarivanja zajedničkog interesa.

### **DIO DRUGI – GLAVNI DIO**

#### **Član 3.**

##### **(Postupak održavanja foruma)**

- (1) Forum saziva predsjednik mjesne zajednice, a održava se po potrebi.
- (2) Poziv za održavanje foruma mora biti objavljen na oglasnoj tabli mjesne zajednice i drugim javnim mjestima najmanje sedam dana prije održavanja, a po potrebi i u drugim sredstvima informisanja, kao što su mediji i društvene mreže.
- (3) Ukoliko više mjesnih zajednica ima zajednički interes, forum mogu održati zajedno uz pisanu saglasnost upravnog odbora tih mjesnih zajednica.
- (4) Jedna mjesna zajednica može biti organizator uz saglasnost ostalih zainteresovanih mjesnih zajednica.

**Član 4.**  
**(Učesnici foruma)**

Učesnik foruma može biti svako punoljetno lice koje je stanovnik mjesne zajednice gdje se forum održava.

**Član 5.**  
**(Organizatori foruma)**

- (1) Predsjednik mjesne zajednice, članovi Upravnog odbora mjesne zajednice i svaka zainteresovana stranka su organizatori foruma.
- (2) Organizatori foruma su dužni da, u cilju efikasnog održavanja foruma, obezbjede uslove za organizaciju i nesmetan rad, vođenje foruma, evidenciju prisutnih i da sačine zapisnik o održanom forumu i zaključcima sa foruma.

**Član 6.**  
**(Verifikacija zaključaka)**

- (1) Nakon održanog foruma, zapisnik verifikuje Upravni odbor mjesne zajednice, donosi Odluku o verifikaciji zaključaka sa foruma i dostavlja je predsjedniku mjesne zajednice.
- (2) Predsjednik mjesne zajednice, verifikovane zaključke i Odluku o verifikaciji zaključaka sa foruma, u obliku preporuka i inicijativa, upućuje nadležnim institucijama na daljnje razmatranje i postupanje.

**DIO TREĆI – PRELAZNE I ZAVRŠNE ODREDBE**

**Član 7.**  
**(Primjena i nadzor)**

- (1) Mjesna zajednica je dužna da u svom radu i u skladu sa svojim statutom, primjenjuje ovu odluku.
- (2) Nadzor nad provođenjem Odluke vrši Odjeljenje za stručne i administrativne poslove Vlade Brčko distrikta Bosne i Hercegovine.

**Član 8.**  
**(Stupanje na snagu)**

Ova odluka stupa na snagu danom donošenja.



**DOSTAVITI:**

1. Odjeljenju za stručne i administrativne poslove
2. Pododjeljenju za podršku MZ, NVO i UG,
3. Evidenciji,
4. Arhivi.